

寶豐縣志卷之四

寶豐縣知縣李衍梧纂輯

建置志上

龍

亭所以遂官民瞻雲就日之誠華祝而高呼也若夫城池以資保障署廨以宣政教學校以養士倉儲以救荒水利以備旱  
防與夫橋梁集鎮普濟堂漏澤園之屬皆便於民而益夫治  
屢創建與補葺增設者並書庶見因時制宜措注各有當焉  
至於琳宮梵宇於祭法雖不盡合可以作村氓嚴肅之氣而  
戢其逸志依馬志凡有故可稽與雖無而爲古利則書之其  
他悉任其廢興

寶豐縣志 卷之四  
縣署西南隅舊有

龍亭一座供奉

萬歲聖牌恭逢

萬壽以及元旦冬至令節各官朝賀於此建自何年因舊志未載  
無可稽考

嘉慶二十四年知縣秦伯度添建朝房六間

道光十七年知縣李枋梧重加修葺並添建捲棚三間大門  
一間圍牆週匝有碑記附後

重修

龍亭記

知縣李枋梧撰  
道光十七年立石

邑治東南舊有

龍

亭創始無年月可考太守秦芥溪先生前知縣事於例序添挾  
廡各三楹闕時既久諸多頽圯予承乏茲邑卽欲從事重修  
而經費未敷丁酉秋纂輯志乘剽有餘資爰鳩工庀材采櫨  
構櫨以及灰瓦磚石釘麻鉛粉之料畢具任木任石任坊之  
匠咸集乃以次繕理整其瓮甃易其腐敗飾其漫漶又前此  
缺門與垣不足以昭嚴重於是增捲棚一大門一四圍繚以  
墻名爲補修而工之鉅蓋有幾埒於創始者夫

龍

亭何爲作也

聖

天子以廣運之德臨蒞萬方深仁厚澤覃延周浹卽

彷彿在寶

言寶土奮於庠農勸於野工樂於肆商歌於途殷殷焉脹脹

焉各得其願遂其欲歲時令節暢然於雞豚社中含哺擊壤  
軒乎舞而長乎鼓也 卽鈍拙如彷徨得不勞竭蹶從容上  
康樂和親之書吏議弗及遭遇固至幸矣夫飲水必思其源  
食 德不忘所自瞻雲就日嵩呼 華祝古與今非遂有異  
情也敬設

龍  
亭恭逢

萬壽及元旦冬至虔偕寅僚率紳耆北望泥首臚歡稱慶固悽悽  
下情所不能已者謹盥沐拭几述其緣起如此

城池

城內街巷已繪  
入圖故不載

寶豐縣舊在元爲鎮城因以廢明成化甲午復置爲縣知縣朱

銓因舊址而築土城焉正德庚午知縣徐端因流賊劉六劉七  
趙風子作警重修門止三東曰朝京西曰望汝南曰迎薰宏治  
辛酉知縣黃泰因民農不便請命於當道命汝州同知徐衍相  
視開建北門名爲瞻獄俱無重樓正德壬午河南參政楊子器  
改城高二丈二尺厚得高之半周圍四里有奇廣八百二十二  
丈有奇池深一丈五尺濶如之嘉靖三十九年知縣袁亮詳築  
磚城詳稿刊列於後會以秩滿去知縣王廷簡始易以磚崇正壬午冬  
闖賊李自成毀南門兩旁折平東南一角又設立賊官蹂躪盤  
據經畧孫傳廷急力征勦火炮攻擊周圍破碎

朝順治乙酉知縣張翼舉首來任事大爲整修兵火後苦無工

料乃取城內外官民磚石盡以供工作結發遍四埔而規制如  
前壬辰霖雨崩塌殆盡知縣于汝翼經營補葺戊戌夏商辛爲  
虐殘城復圯知縣劉維新修治康熙年雨壞城門樓各窩舖知  
縣李秀發修雍正年南門圯知縣唐永彰修乾隆年東門城樓  
瓮城雉堞女牆盡摧塌南門亦圯知縣馬格重修

見馬陸  
二志

嘉慶十八年滑濬教匪滋事知縣秦伯度奉檄修葺完固

道光四年知縣謝典曉復加重修

道光十二年秋霖東南北瓮城傾塌雉堞倒壞百二有奇知

縣李彷彿捐修完固

嘉慶二年知縣陸蓉奉檄挑修護城池濠周圍八百三十一

丈出止一萬九千八百七十三方每方例價銀八錢一厘在  
於地糧內攤征

明知縣袁亮修城詳藁

本縣城池獨陋切近潤水淨腸兩河之會實爲沙磧石穴之區  
土性不堅名曰雞糞水入易疎日曬易裂況以四里褊小之城  
城中空地居半內無閭閻輻輳之盛外無崇岡疊阜之雄城不  
足恃人不足守考之正德流賊之變城郭殘破無餘歸德師賊  
之變居民逃竄殆盡此其利害所關夫孰有大於此卑職爲今  
計議必民不擾而事克集又費不廣而功可成查得本縣城西  
五里許有石整者可以砌脚至中碎者可以燒灰城南有土近

河可以立窑燒磚計城垣周圍共七百一十丈分爲七十一工  
每工長十丈連根至頂高二丈石跟脚至中一丈磚頂一丈每  
磚十層用拔石一路長短不一共拔石四路鋪灰蓋頂共用石  
一百六十車每車給石匠工錢二十文該錢三千二百文外上  
用磚包一丈計四十層內二十五層五路每層用磚八百個十  
層四路每層用磚六百箇五層三路每層用磚四百箇共該磚  
二萬七千二百箇每萬給窑匠工食錢一千文該錢二千七百  
二十文立窑燒磚每萬用煤炭十石共炭二十七石二斗每石  
該價錢二十文共該錢五百四十四文石灰一萬二千斤打石  
處有碎石就彼立窑令灰匠運燒用煤炭六石該價錢一百二



十文再給灰匠工錢一百二十文每工費用麻繩五十斤該價錢五百文每丈用泥水匠四名石匠四名每名每日給工錢十文該錢八十文一工十日該錢八百文通融計算每工用銀八兩四厘先該署印邳縣徐縣丞修完十文本縣陶知縣修完六十五丈仍有未包六百三十五丈計六十三工半連堦口共用銀六百兩磚石工匠所費止此若搬運磚石並修築人工必待僱覓未免出給工食且有乘機科擾之弊再照修城之舉係概縣之事每里派出大車二輛本縣原給官牛每里輪用官牛八隻每車卽各車主自運不給工食每里該分二十一丈一尺七寸每里每月借夫一日聽彼家借供公役概縣共三十里輪流

一月止做工一日雖遇農務方殷亦不致妨生理又查照均徭簿內人丁出夫以革指稱僱夫作弊行令各里老人就督各里夫役做工一工卽回若肯趨事赴功連作數日者聽夫磚石工價動銀既有定數自絕科擾之弊鄉夫自食一月做工一日亦無勞費之煩概縣人民止知一月止做工一日而城不覺自成矣磚城旣成則可以省頻年修築之繁可以備外侮不虞之患保障縣治可無廢墜矣再查得官庫贓罰及堪動無碍官銀遵行盡數糶糴穀外今議變議積欠市價並查追編剩民壯工食及量減冗差舖兵工食三項銀兩並提學道一有行扣貯官缺廩齋膳夫銀錢俱可動支足用當道嘉其經理有條允請施行

署解

縣署宋舊制也明成化年復縣知縣朱銓因舊址創修

有碑記在儀門

外東墻碑文列後

後經歷前縣許可久陶淳朱瑞鳳胡權李秀發唐永

彰馬格陸蓉秦伯度謝興曉改建增置情形已今昔不同茲特

詳記廢修以備稽考

大堂五間

卽舊志所載公廳也知縣許可久建榜曰琴堂此額已廢今有居敬堂匾額知縣楊宮建之

科房十二間

舊志載十八間知縣唐永彰修道光三年知縣謝興曉重修

考棚十八間石號桌橙全

十二間在大堂兩翼道光二年知縣秦伯度建有碑記在儀門內東

側碑文列後

六間在大堂左右道光六年知縣謝興曉

添建

道光十七年知縣李彷彿添建石橙十八間有碑記

附後

皂隸房兩所

在大堂前  
道兩翼

儀門三間東西角門各一間

知縣陸葵谷修

值日班房六間

卽舊志所載  
寅賓館故址

譙樓一座

卽大門也高二丈有奇舊志載匾曰麗譙知縣陶  
淳改錫贊豐縣三字 知縣馬格修 道光十五

年知縣李衍  
梧捐廉重修

照壁一座

道光十二年側塌知縣李衍梧捐  
廉重修增高加厚計高二丈有奇

捕班房五間

在大門西側 道光  
六年知縣謝興曉建

內宅

過廳五間

在大堂後 西二間作庫  
知縣朱瑞鳳胡權修

二堂三間

有 御書風  
清泌韻匾額

耳房二間

兩廂六間

知縣朱瑞  
鳳胡權修

三堂五間

兩廂六間

知縣李秀發  
馬格重修

西上房三間

在三堂西  
道光六年

知縣謝  
典曉建

後樓五間

東樓三間

西廂三間

知縣李秀  
發重修

西客廳三間

道光六年知縣謝典曉  
修有招良心軒匾記

東客廳三間

舊志載後堂左有知縣馬  
格建喜雨亭三間卽此

南屋三門

東廂三

間

知縣朱瑞  
鳳胡權修

西廂四間

門樓一間

共五間 道光十六年  
知縣李彷彿添建

亦學堂三間

西書房三間

兩廂十二間

門樓一間

厦房五間

共二十四間在東客廳後係倉廩故址道  
光十六年知縣李彷彿添建詳憲立案

按署內尚有羣房二十餘間已繪圖內故不具載

蕭曹廟

在儀門內東側乾隆五十六年  
署知縣汝州同袁其相修

衙神廟

在大門內東側卽舊志所載土地祠也知縣陸蓉修

馬王廟

在署東馬號

獄房

舊在儀門外西南兵燹後傾圮移至朝儀街乾隆七年知縣馬格復移修於儀門外舊址道光二年着知縣田霖

修道光十一年知縣李彷彿捐廉重修

典史廨

舊在縣丞廨今在北街

廢署附考

布政司分司

舊志載昔在東街久廢

按察司分司

舊志載昔在東街久廢

州廳

舊志載昔在西街久廢

縣丞廨

舊志載昔在縣署東久廢

陰陽學

醫學

舊志載二學昔在縣治門東西各一間久廢

旌善亭

申明亭

舊志載昔在大門外東西各三間久廢

新建寶豐縣碑記

賜進士及第翰林院編修莆田李仁傑撰明成化十七年立石

寶豐縣在汝州東九十里按圖經本漢潁川郡郊城縣地唐析置爲龍興縣宋更名寶豐以寵近輔之地元又革而爲鎮我朝開國之初並鎮亦廢而其地遂隸汝州矣成化紀元之十一年郡人兵部尚書滕公昭以寶豐去州甚遠程役往來不便於民謀諸當道巡撫都憲張公請復爲縣制可之於是藩臬諸公借來茲土瞻望形勢而定基于中復請置官吏時吏部遴選舊職來知縣事而任創始之責朱侯實與其選侯至乃披荆棘以定

版築審方向以建縣治築城垣則襟山帶河而形勝可嘉分市  
屢則度地居民而各有攸位置駟舍於縣門之西北立社學於  
儒學之東南中街有土壘腫不利於民則削平之北門有水破

蕩不利於民則築塞之謂布政按察之分司宜尊也則並置於  
縣東謂城隍賈侯之祠廟宜靜也則並置於縣西公解譙樓府

館之屬罔不悉具山川社稷邑厲之壇無不克完尤注意於學

校故首建之其制度壯麗規模軒缺一字允爲河南之冠絕夫城

垣足以禦外梅縣治足以出政令學官足以宣教化壇缺一字足

以時報賽公館足以筵賓旅分司足以奉上官舖舍足以磚瓦

命社學足以啟蒙童昔爲村墟今爲城市昔爲草莽今爲閭閻



昔爲農垠之聚集今爲衣冠文物之攸會誠河南之一偉觀北  
是雖聖天子德化之所陶成而創造經營之力朱侯居多焉甫  
三載告成其縣之學諭曹君璠以爲侯之是功不可無紀乃致  
書幣來京師因同年副掌使王君良弼請予記之予聞有能爲  
者無難事夫建立城邑興造土木亦甚難矣而侯爲之若

缺四字

然人但見其事之集而不知其役之弊人但見其用之殷而不  
知其費之所出蓋悅於使民而

缺四字

也非有爲者能之乎且侯

之爲縣其善政多有可述此特紀其興造之一事耳侯名詮字

彥平

缺二字

陽之

缺二字

先是嘗知四川渠縣有惠澤及人人至今

思之不替云

新建寶豐縣號舍碑記

知縣秦伯度撰  
道光二年立石

匹夫無尺寸之柄建一議謀一事嘗苦於欲爲而不得爲至出  
爲司牧則田里學校典利除弊皆吾分內應爲之事乃得爲而  
不爲其因陋就簡委靡不振之狀與庸夫等嗚呼天下亦安用  
此司牧爲也雖然事必有可爲之勢有可爲之時有能爲之力  
合勢與時與力之不可爲而欲爲是議論多而成功少也其時  
與勢與力之可爲而不爲是機會失而事功廢也予任寶豐有年  
凡有切於士民者無不夙夜圖之毘勉爲之期免廢弛之罪惟  
童子小試一事猶缺如焉先是考之前期各童墮案携橙踉蹌  
人署扁試之日又復露坐大堂院內冬夏雨暘皆無所避予思

所以節勞動而養儒修禦寒暑而資庇廕者莫若爲建號舍斯  
心乃安蓋此議已創自壬申歲矣顧下車伊始政教未舉土木  
先興勢固有所不順也越二年邑紳以前議請予曰未可癸歲  
大荒甲年大疫民困未蘇何以力役時固有所不宜也越明年  
又有以前議請者予曰未可方修明道祠旋立義社學民財有  
幾何可以時工作蓋力又有所不能也頃者時和歲稔事簡民  
安秀才毛士雲張崙山等來謁道及其事予曰時哉時哉不可  
失諸生其善厥始圖厥繼以要厥成予捐廉萬錢以爲之倡適  
予以俸滿將入京師已卸篆矣有父老子弟十數輩踵門求見  
見則各出懷中金以爲贖予力卻之不得乃令其暫携去予明

日將取用焉諸人唯唯退乃召毛張諸生語之曰事諧矣昨有  
餽吾臚者約百金爾往取之卽以先定工料而書其名於樂輸  
之首列爲我善勸邑人量力出資想無不樂於從事者於足鳩  
工庀財就堂下東西六科南北相立基趾計屋十二間分四所  
所十一號號十二坐共坐五百二十八人案用石支以甃留貯  
不朽也甃用木壯其足堅固不搖也經始於壬午二月之六日  
越三月告成善哉古人有言有志事寬成也昔漢孝平之世尊  
隆太學建弟子舍萬區文風丕振後漢劉梁除北新城長大作  
講舍延聚生徒數百朝夕勸誡儒化盛行嗟乎號舍特學校之  
一端耳寶豐天下之一撮耳予將盡斯世之窮無告者而屋之

而衽席之也獨寶豐也哉獨號舍也哉抑予更有感焉者自壬申應試六百人災病後僅存一二百人民數凋零書聲不作守斯土者目擊神傷近始增至四百人培養扶植伊何人任今新卽位軫念民瘼安益求安天下道路橋梁咸命地方官以時修理而又加科廣額所以嘉惠士林者更無微不至士生斯時宜何如奮典鼓舞仰副我

國

家論秀書升之選而因以慰司牧者愛惜保護之苦心異日英才輩出濟濟蒸蒸人數日見有餘坐號日見不足吾雖不目觀其盛手補其闕而夤魂猶往來籌畫於香山汝水間也後之君子其擴而充之以宏此遠謨也所望於得爲而卽爲之者蓋不

天子

少也夫號舍其小焉者也

添建號舍石橙記

知縣李衍梧撰  
道光十七年立石

邑舊無號舍赫曦炙頂與風露雪霜童試者苦焉秦荅溪先生爲縣將以太守需次去於大堂左右建瓦屋十二區今叙州守謝果堂先生視縣篆時以屋隘不足容多人復添建六楹至是數百人可以橫肱而坐體舒機暢典酣落筆如春蠶食葉曲盡一日之長訢訢然各自得也閱時旣久不無滲漏予繼兩公後來領縣事隨宜葺綴乃得完好如初惟號舍中卓以石橙用木數年前早已腐壞散失不可跟尋縣試時諸士子提囊肩坐具動多滯碍予目擊愴懷適修志乘剩有餘資乃鳩工匠按號礮

石爲橙几長一百四十丈豈敢謂能補前人所不逮亦庶幾聊盡司牧之心焉耳道光丁酉冬月之吉特記

### 學校

文廟舊志載在東街宋舊制也有建中靖國縣令朱之純修學碑及大觀八行碑今皆殘闕

大成殿五間明成化十二年知縣朱銓楸建後歷令邱龍雲范廷弼劉令譽各補修崇正十年知縣石可礪撤而大之康熙四十八年知縣陳希芳重建乾隆八年知縣馬格修乾隆五十六年邑貢生白士元等重修并修東西兩廡

### 東廡

西廡舊各十一間康熙二年知縣胡仲珣改建各五間雍正十二年知縣唐永彰修

神廚神庫在大成殿左右明知縣袁亮建今俱廢

櫺星門明嘉靖四十一年知縣袁亮建

戟門康熙三十三年知縣李秀發重建

泮池在照牆後跨石橋康熙二十五年知縣李秀發修

明倫堂在大成殿後康熙十二年知縣徐人龍重建雍正十三年知縣唐永彰修

魁星樓在廟東三間康熙二十三年知縣胡權重建道光十三年教諭韓謀遠倡修有碑



文昌閣在廟東三間康熙二十三年知縣胡權重建乾隆三十五年邑民陳召等重修道光十三年教諭韓謀遠添建門樓一間道光十七年知縣李彷彿梧添建獻殿三間有碑記附後

崇聖祠

丁堯相揆重修記東郡邢君仁始構啟聖以及文昌名宦鄉賢祠其堂齋號舍皆增葺之嘉靖壬子十一月立明末廢順治十六年教諭申謨重修今移建明倫堂後

明德齋

新民齋

尊經閣

聚樂堂

敬一亭今俱廢敬一亭內今有敬一箴及程子四箴范氏心箴  
碑石今移置崇聖祠壁

名宦祠在戟門左三間順治十六年知縣劉維新建乾隆八年  
知縣馬格修

鄉賢祠在戟門右三間康熙年吳駿建乾隆八年知縣馬格修  
忠義祠在鄉賢右雍正七年知縣喻宏林奉文建嘉慶十四年  
邑士曲合德重修有知縣賞鐫碑文附後

樂器所三間在文昌殿後

以上文廟內各殿宇嘉慶十四年知縣賞鐫籌款重修有碑

文附後

土地祠在樂器所後明教諭黎木修久廢乾隆八年知縣馬格重修

儒學衙署舊志載一在學西一在學後俱廢教諭師天池建於學後明倫堂東

重修

文廟碑記

知縣賞鐫撰  
嘉慶十四年立石

踏自壬戌蒞守茲邑下車後卽恭謁

聖廟

文昌諸祠見殿

字頃圯者頗多詢之士人僉以資釜未充爲辭余體察其情雉

陽城郭勢如彈丸兼之四郊多山地瘠民貧而歲又屢歉工程

浩大似覺勸修爲難因循數載事不果行北來年歲豐登紳士

等公乞重修遂相與同詣學官相度機宜重修者爲大成殿

東西兩廡櫺星門崇聖祠明倫堂及大門東西石坊重建者爲

文昌殿戟門泮池魁星閣及鄉賢名宦等新創者則啟聖祠及

樂器庫也其時首先倡捐者有周相等五十四人分勸者有李

元炳等十九人于是捐輸纍纍踴躍從公不數日而斐然成章

矣遂相與鳩工庀材凡需工需木需石需灰需磚瓦共計若干

數量材量方而分任之總領其事者爲陸雲峯李千紫楊岱分

承其事者有楊琛王淑元謝儋高文林張聰解郎李乾六李田

自戊辰閏五月起越十八月而工告竣丹黃塗墍巍乎煥乎嶄

然一新矣落成後紳士等乞記其事以垂久遠余姑念其事之

難繼復嘉紳士等之勇於爲善而成之速謹爲詳述巔末以勒諸碑砥非獨有以彰衆人之善更有以勸夫後之賢者并開列捐輸及勸捐姓名如左至忠義節孝等祠另有記不復叙

重修忠義祠碑

知縣賞鑄撰  
嘉慶十四年立石

余旣換重修學宮碑記紳士等復乞謨忠義碑文以彰曲氏昆季之善余宰寶八年未嘗識曲合德之爲人當紳士等商修學宮時其弟珊德向前而言曰珊德奉祖母命聞修學宮願乞專修一祠余視其人材甚開展貌亦恬雅嘉其義因令修忠義祠亦謂之顧名而得其義者也珊德親來監工棟宇牆垣粉飾圖彩煥然一新越兩月而工告竣余聞合德之父早世其祖自和

撫三孫教養成立後自和獨捐已資創修義學於州地工未畢而疾作臨終謂合德曰我以義學未成中懷耿耿汝等必當善承吾志合德謹遵遺命倣其規式不數月而工遂成延師教讀洵有軌度予嘉其事爲之頌其額以示勸勉究未嘗一識其而詢之士人僉謂合德氣質淳厚有長者風文情落落暇時似不嘗與人相往來及聞善事又未嘗不樂從若合德者可謂善承乃祖之志者矣余允紳士之請而爲之記其事以彰其美更有以勸夫後之善承祖父之志者

創建文昌祠獻殿記

知縣李衍楛撰  
道光十七年立石

文昌之祀見於周禮最典則可據我

國

家令郡邑各建文昌祠歲於春秋仲月以太牢致祭羊豕鹿饌咸備祝文自部頒葢典禮之嚴重如此將事者烏容草率敷衍豐舊有文昌祠在文廟左僅正殿三楹祭期逢雨牲醴霑濡杳之不升神於何享甚非所以昭嚴重也祠前最爽塏前學博韓募建山門規模益復完整獨未嘗謀及猷殿予視事以來時用厘懷籌費未得徒抱虛願也丁酉秋邑中有修志之舉樽節所餘計可集事迺鳩工庀材屬文昌祠南榮建猷殿三楹自是而風有蔽雨有庇牲醴無霑濡之患祀事稱孔明可以免草率之愆矣工訖宜有記乃叙其緣起於麗牲之碑

書院

舊志載有明道書院在商酒務元廢明參政楊子器建於賈侯墓左久廢

春風書院陸志云先以舊察院爲書院乾隆三十八年知縣胡元吉改建於縣署東曰春風書院大門一間東西房各二間二門一座講堂三間東西廂房各九間後樓三間西房一間廚房一間經費原地三頃五十畝

坐落寶十里  
稻谷田庄

內糧冊熟地一項七十畝四分

按書院廂房原十八間內有六間黑暗潮濕不堪棲止道光五年知縣謝興曉拆卸改建北屋二間在後樓東西屋二間在二門外現在東西廂房各六間

原地歲收稞租銀四十三兩

續增經費錢二千串交當按月一分生息

嘉慶二十四年知縣秦伯度籌備

續增經費錢三千串交當按月一分生息

道光四年知縣謝興、鹿等備



詳定章程列左

一山長修儀錢一百千文膳資錢四十千文贄儀錢八千文節禮每節錢四千文共一百六十千文

一儒學監院每月致送薪水錢三千文

按十個月送每年三十千文

一肄業生員額取正課十四名童生正課十名

每月給錢一千二百文不住院

者給八百文

生童副課各十名

每名給會課錢一百文

額外附課臨時酌取

每名給附課錢五十文

一每月三課十三爲官課初二二十三爲師課官課超等生童

第一名

獎賞錢三百文

第二名

獎賞錢二百文

第三四名

獎賞錢一百文

師課前

三名

獎賞錢一百文

一 每月支卷價錢一千二百文炊夫等工食錢二千四百文每節賞錢三百文禮房歲給紙筆費錢十千文

一支剩租息存貯縣庫以備歲修屋宇及鄉試之年酌給貧生盤費之資

秦謝二任均有碑記在書院內碑文列後

增設春風書院膏火碑記

知縣秦伯度撰  
嘉慶二十二年立石

古者學校之設家有塾黨有庠術有序國有學後世踵其遺意創立書院若鹿洞若菴峰學徒常數百人然未有言其費所自出者蓋經營區畫自存乎司牧者之精神焉我

上崇儒重道

皇

文教覃敷自京師至列郡州縣莫不有學卽莫不有田以養之  
所以嘉惠士林者至矣寶豐舊設春風書院有田數頃歲收稞  
租錢八十千以爲山長薪俸而學者無與焉壬申余來斯邑甫  
下車卽進諸生考校之應者寥寥明歲適當大比諄切勸諭而  
應者又寥寥詢之則以向無膏火土皆無所仰給故也因自捐  
廉與諸生約定於歲首考取正課生員十名童生八名月給錢  
五百附課則取無定額課給錢五十月三課詩文之優者超擢  
之獎勵之其不率教者則降之抑之甚或扣除其名而更易之  
辨其優劣分其等差榜示會堂以激厲之如是者益行至五年  
矣顧每欲正課月加米二斗附課加錢五十且竝給經管禮書

正課膏火一分以杜尅扣苦資無所出而難爲經久計舊有監生張白新里民周世榮入官地一頃五十餘畝經理不善如獲石田售得錢四百千復捐俸錢二百千又將閤邑紳民捐修

程子祠餘錢千四百千共二千金交當商生息歲得二百餘金足供生童膏火之資將來擴而充之竝可留其有餘以酌給鄉試之無力者非以是博循聲也且夫窮鄉僻壤之士苟衣食饒足欲使輕棄其家奔走百里苦心戢志以就有司之約束彼固有所繫而不能舍也凡今之踽踽然謁吾門而來者旣無先世之廕又乏中人之產窮年兀兀株守一卷不過朝齏暮粥目耕心織與二三生徒日斷斷于土室掘門之中藉以養父母育妻

子而使無饑寒之憂耳卽有聰穎絕特好學深思之侶一旦軀之捐其相生相養之道而枵腹以讀先王之書雖以聖人爲之師嚴其課程而督責之曰進爾德修爾業而有所不能彼其勢固有難強也嗟乎此余向者下車時之所以屢榭而屢不應也以此欲文教之興人材之成也難矣昔有宋淳熙間趙侯知崇安縣察境內浮屠之籍之絕不繼者悉取其田歸之於學由是文風大振今余之爲此也俾士之肄業者得以優游卒歲而無鹽米掾進之累異日英才輩出孚自濯磨與鼇峯鹿洞之秀相頡頏返諸區區造就之苦衷或亦可少慰與是所望於士之與新選者

重修春風書院碑記

知縣謝興曉撰  
道光四年立石

寶豐舊置書院因明道先生監酒稅有朱光庭坐春風故事遂  
額曰春風乾隆縣令自胡公元吉創建之嘉慶年秦公伯度修  
葺之彬彬然漸有起邑矣道光三年余來宰斯邑課試諸生殷  
然向化而齋室較少經費不敷未能博收英彥歉如也爰首倡  
捐廉與紳民謀重修不數日間得助資三千餘緡拓其湫隘修  
其傾圮廣課士之額增獎膳之資延淳儒以勤訓迪稟大憲以  
訂條規於後樓奉明道先生神位以實春風之義次年春季落  
成程中丞道出寶豐顧而樂之給百金以獎生童頒堂額以

示景仰竊惟

聖朝雅化作人無遠弗届我

皇  
上敦崇實學切切以培養士氣爲重近時上僚亦皆諄諄懇懇  
期於興學育賢移風易俗諸士子生逢盛會能無奮然興起乎  
書院爲講學之地果知所學何事從而潛心體察實力奉行蘊  
爲道德發爲文章將見人材蔚起無慙禮義之陶成無負  
朝廷之教育斯合邑士庶固無日不在春風中也是爲記

社學

社學凡一一在城一在滎陽康熙年知縣胡權建滎陽就寺廟  
在城就文昌閣知縣陳希芳卽察院舊基建正房三間榜曰義  
學雍正年知縣錢應榮添建西配房三間乾隆年知縣唐永彰

分爲二一曰小義學知縣馬格合併三學歸一捐俸拓修東西兩配房十間今廢

見舊志

道光六年知縣謝興曉於城隍倡建養

正心蘭義學二處道光十二三五等年知縣李枋梧整飭巾車應濱培文義學三處復籌備錢一千二百六十千文增設雅集臨應義學二處又籌備錢三千八百千文學田十一頃八十五畝音增設十里義學十處統計城鄉共設義學二十七處開列於左

養正義學

坐落城內西街瓦房六間道光六年知縣謝興曉倡建有碑文附後

學田三十三畝音又山地二段河灘地一段

知縣謝興曉籌備

市房

八間本係招賃納租道光十五年據當主贖回當本錢一百



千文交當按月一分起息又交錢店生息錢一百五十千文

按月一分起息

道光七年署知縣李房袞籌增

心蘭義學

坐落西關外瓦房十三間 道光六年知縣謝興曉倡建有碑文附後 道光十五年六月河水陡漲沖

塌九間知縣

李衍梧重建

學田沙灘地三頃二十四畝音又山地一段

知縣謝興曉籌備 文當

生息銀二百兩按月一分二厘起息

知縣謝興曉捐

巾車義學

坐落東鄉程家集就祖師廟爲學舍

舊有學田八十二畝音坐落程家集道光十二年知縣李衍

梧籌增經費錢一百千文交當按月一分生息儘數作爲修

脯

應濱義學

按陸志載在滎陽鎮講堂三間側房十二間學田兩頃四十三畝奇坐落滎陽鎮北有碑康熙二十三年

知縣胡

權建

該義學於道光十二年知縣李昉梧清查計添建學舍三間

文昌閣三間魁星樓門樓各一間住房廚房各二間佃戶草

房土間連舊存十三間共三十七間添置地九畝奇坐落

滎陽鎮北

培文義學

坐落白雀寺偏院學舍十間  
監生馬耀德等捐修

學田二頃四十五畝奇每年課錢一百三十四千五百二十

一文義學支銷錢八十二千九百七十六文撥給白雀寺香

火錢四十千文每年支剩錢一千五百四十五文統俟積

有成數交當生息又有存庫錢二十四千七百七十五文作爲盈餘預發修脯之用 按白雀寺舊有香火地五頃節經僧人法松等盜當四頃四十餘畝頻年涉訟道光十五年於主謝傳等懇請入官添建義學知縣李彷彿斷令售變兩頃歸還當價所餘二頃四十五畝奇詳准建立義學石碑記附後

雅集義學

此處義學初設時借設東閣三元宮後于義勇祠內新建瓦房六間作學舍就祠內三間作講堂祠前建石坊鐫雅集書院四字詳准立案

臨應義學

坐落南鄉就旃旌寺爲學舍

二義學經費錢一千二百六十千文交當按年一分生息儘

數作爲修脯 道光十二年知縣李衍梧籌備增設有碑記

附後

寶一里義學

坐落北關外就  
泰山廟爲學舍

寶二里義學

坐落岔河寺就  
寺內爲學舍

寶三里義學

坐落商酒務就  
春風亭爲學舍

寶四里義學

坐落鬧店街就主靜義  
學故院七間爲學舍

寶五里義學

坐落高皇廟就  
廟內爲學舍

寶六里義學

坐落曹鎮就祖  
師廟爲學舍

寶七里義學

坐落魚齒山就  
關帝廟爲學舍

寶八里義學

坐落張八橋就  
祖師廟爲學舍

寶九里義學

坐落二郎廟就  
廟內爲學舍

寶十里義學

坐落小河岔 道光十五年生員余夔麟  
捐地八畝修建義學一所瓦房十二間

十里義學章程四條列左

一 交當生息錢三千八百千文按年一分生息每年息錢三百八十千文學田十一頃八十五畝奇每年稞錢二百三十九千四百九十文二共錢六百一十九千四百九十文

一 每里義學束修錢三十六千文火食錢十二千文開聘贄見節禮學夫錢八千文每學每年支銷錢五十六千文

一 學田每年完糧錢十八千三百文禮房紙筆費錢十千文催稞飯食錢四千一百八十五文

一每年支銷外計餘剩錢二十七千零五文查地稞與生息錢  
文不同造遇數年勢必不敷所用此項貯庫以備不時之需  
如無應用統俟積有成數交當生息

道光十三年知縣李枋梧倡建並詳定章程以垂永久有  
碑文附後

新建養正書院碑記

知縣謝典峽撰  
道光六年立石

余於乙酉冬在城內西街節孝祠隙地新建義學一處學舍六  
間額曰養正書院爲訓迪童蒙之所每歲新正禮延學師授徒  
肄業撥官地七畝奇招佃分籽又歲撥租錢十七千五百爲修  
膳資曾經通報造冊在案此卽培成俊乂也立此始與後來者

擴而充之則童蒙幸甚所撥地租開列碑陰以備稽考云爾

新建心蘭書院碑記

知縣謝典曉撰  
道光六年立石

癸未之秋予蒞任後整理春風書院籌備膏火凡有頽廢次第  
興修雖孜孜焉不敢稍自晏逸而未卽有裨益也乙酉夏閩邑  
紳耆輒欲爲予立碑製屏稱觴介壽予以年未五十而所辦事  
宜不可指爲德政旣堅謝之復諄諄請遂變戴之誠勢不能已  
因勸令卽以其資添設義學俾資培養於吾心爲得實濟焉紳  
耆等欣然從之是歲冬在近城西關外創義學一處額曰心蘭  
書院講堂三間翼房二間學舍八間大門二門各一間於丙戌  
新正延師授徒撥官租錢以給修膳規模初定膏火未籌六月

奉調固始心殊歉然爰捐銀二百文當生息以備量給膏火勵志讀書亦藉以答紳耆之雅意云爾事經通報各憲造冊立案茲復記其原委泐之於石尙冀諸紳耆妥爲經理行之久久或亦將有裨益斯吾之願也是爲記

雅集臨應兩義學碑記

知縣李衍梧撰  
道光十五年立石

古稱善爲吏者曰好教化曰卽事爲功予之聞淺豈足以幾此然前英嶽嶽辨香是寄雖不能至竊效顰焉閱舊檔知邑捐職府經歷龐允文曾捐錢一千串交當子錢資辦公夫辦公詎有要於興學育才者因取以作脯修延名師二分課東郭南鄉之碧秀東郭以義勇祠爲學舍南鄉以旃廬寺爲學舍而好義之



士復醵錢增建瓦屋六楹於義勇祠內規條既定宜有文以紀歲月夫均之義學也在東郭稱雅集者邑之應水今昔不乏遊人而皇祐時郝合晁仲參與鄉進士孔疇烹茶於此人遂號爲雅集艷稱到今則以晁之英果爲范文正所愛孔與兄耿之孝行並見臨川集也以此標識蓋欲承學後起知所取法耳水崇上善盈科而進有本者如是南鄉之學舍灑應水觀水有術善教者以之故顏曰臨應區區之意所望於都人士者如此若夫通儒上才杼所蘊以誘迪後學將更有大於是進於是者彼君子兮適我願兮中心藏之何日忘之

新建寶豐縣十里義塾記

知縣李昉梧撰  
道光十三年立石

予於辛卯春來知寶豐事月必治飲膳集多士於官廨試以藝而甲乙之時於賞奇糾謬中廸以窮經嚴操履諸生有以餘日納謁就質者罔弗延之便坐促席講論傾囊倒篋而出之雖一行作吏學殖荒落不足以厲好學深思之望而悽悽丹竒竒有樂此不疲者顧遠村小聚尙未盡觀詩書絃誦之效此非司牧之責歟間嘗度故柴間明道先生監酒稅處雖樵童牧豎道及朱元庭坐春風事未嘗不慄然動色嘆羨不能已已用此愈見義理之懷盡入而具尤當廣其塗以誘進之卯歲冬嘗卽質庫宿歛取息延師創設臨應雅集兩義塾矣顧津逮仍屬有限中夜以思若負芒刺未能排遣也今年以來仰荷天庥雨暘時若

年穀豐登閭閻之生趣益舒爰縮薄俸與邑衆商相地度宜卽  
十里適中之處各建義孰紳耆之向義者咸皆踴躍捐輸計得  
沃田六頃有奇贖錢三千八百貫又撥官地五頃八十畝稞籽  
錢供每歲脯修須旣歲事宜有文以紀歲月乃進紳耆而諭之  
曰諸君子之共襄此舉也豈獨佐令長所不逮乎夫莊嶽之置  
恐一傳而衆咻也誠使釋菜鼓篋無間於十室諸君子哲嗣繼  
起於同井共巷中所見多正人所聞多正語雖欲逞聰明若城  
闕少年之所爲亦復孰從而共之所謂不見異物而遷也善自  
爲謀莫尙於此矣雖然學爲道設也道載於文而純駁雜揉托  
業不慎醜博反足以喪志今 楊大中丞刊布羣經 粟方伯

亦梓呂子遺書其示承學以讀書窮理之要者爲何如吾恐上以實求多士或以名應也苟勿驚乎其名則惟於所謂要者講習熟復融之以心體之以身驗之於人倫日用而已矣夫著錄鄉校便號爲士維言與勤編氓輒心儀馬士急租庸畏毳衣民猶不免犯貴士恂恂於雞豚社中捧几授杖民猶不免犯齒士宏束緼乞火之義民猶不免搆會於盃蛇然則士徒知締句繪章而文不補行其爲風俗人心之蠹可勝道哉夫蒙以養正馴至經行修明使梓里熏其德而善良士之道固然也茲邑地僅得望繁之半而風淳俗簡其人率樸茂艷清向無倣誕華侈之習以消其識於人道爲易聚千百有造之姿爲之抉理窟拓行

表嚴近正非正之防覃砥礪名教之樂迎機而導因材以施曩  
昔之所謂春風者不難丕扇廣拂使禮俗政教之書裒然爲他  
邑最也然則諸君子相與有成之雅及予得以道司牧之愆者  
均有所屬如之何可以文具了事哉作紀事文以當息壤

培文義學記

知縣李彷彿撰  
道光十六年立石

聖  
天子崇儒重道頒命守土吏廣立義塾餼養生徒夫正人心厚  
風俗莫要於教義塾固教之地也予承乏寶豐仰體

睿  
慮首捐薄俸倡建義塾十有二邑人士競輸錢及地交商取息

招佃耕種爲每歲脯修資遂酌定規條上其事於大府荷蒙陳  
請得

俞

旨助貲三百金以上者特 賜以八品銜自是四郊誦讀之聲

較多於疇曩予亦時時稽查其勤惰雖不知其誠有益於寒畯

否若夫不備虛名而務實效則固所自信矣惟村疇在白雀寺

左右者居民孳夥多無力延師以教其子弟予方默爲籌畫適

白雀寺僧以盜典香火地與檀越涉訟施主謝傳等請以地入

官添建義學予權其事宜卽允所請而監生馬耀德等復於寺

偏捐修學舍十楹夫釋子著名性牒者晉宋以來不乏其人然

第其最如支遁道安與宋之九僧亦僅工機鋒爛吟咏耳於世

教果何裨夫本分釋子已爲吾道之大蠹乃以有用之貲產爲

惡少緇流匪蕩具宜仁人君子之所漏心也以之供脯修育暑

秀庶幾得物理人情之正乎而諸君子能助予償夙願尤可嘉尚也初香火地原額五百畝節經住持僧私當出四頃四十餘畝涉訟不已予乃斷令售去兩頃歸償當價所餘兩頃四十五畝零歲稞錢一百三十四千撥給白雀寺香火錢四十千義學歲支脯修錢若干剩錢若干俟積有成數交當生息備繕葺學舍已勒入縣志茲不贅

### 倉儲

常平倉原置倉廩六間在縣署西今廢倉巷街倉廩十九間又添建三間乾隆二年知縣唐永彰建署內倉廩五間乾隆四年

知縣李永緒建

見舊志

署東馬號前倉廩二十一間

見陸志

按署內倉廩五間久經頽廢馬號前倉廩二十一間亦已倒  
場四間現存

倉巷街倉廩二十二間廩神祠一間大門一間更房一間

馬號前倉廩十七間

以上倉廩嘉慶十五年知縣賈蹈道光五年知縣謝興曉道光十二年知縣李彷彿

重修

馬號前任置倉廩六間

道光十二年知縣李彷彿添建詳憲立案

以上各廩額貯常平倉穀一萬九千石

義社倉穀四百二十石七斗五升一合歸併

額貯署內

勸捐社倉

分貯各里由紳民等自行經理

寶一里社倉一座



寶一里在城關帝廟一座在城隍廟一座

寶二里官家衙一座岳家寨一座

寶三里商酒務一座又分設三教堂一座店頭街一座

寶四里翟家集一座鬧店街一座

寶五里高鐵爐一座北高皇廟一座

寶六里曹鎮街一座

寶七里滄陽街一座宋村一座五虎劉一座又分設寇兆庄一座

寶八里賈侯廟一座清涼寺一座

寶九里馬渡街一座劉家集一座東高皇廟一座

寶豐縣志 卷之四  
寶十里大石橋一座

各社倉穀共二萬五千四百五十四石五升五勺內除五十年奉文賑粥穀五百八十五石二斗及歷久民欠逃亡無着穀未報完四千六百二十石外現在共貯穀二萬二百四十八石八斗五升五勺

見陸志

按陸志原貯社穀二萬二百四十八石八斗五升零五勺又歷年息穀二百六十八石八斗內除詳豁嘉慶五年六月被教匪焚毀穀四千三百一十七石一斗五升二合一勺八年民借穀八百九十石九年民借穀二千五百五十

石十  
五斗

石十六年民借穀五千七百四十六石  
五百四十八石八斗十八年民借穀

九百七十五石計應存穀四千三百三十石零一斗九升  
八合四勺又除未准豁免嘉慶二年報明動支鄉勇口糧  
穀八百二十六石五斗六升又未准豁免十六年民借穀  
一千四百一十九石七斗又歷任盤查霉變穀五百零六  
石七斗八升三合五勺現在實存穀一千五百七十七石  
一斗五升四合九勺

便民倉汝州便民倉一處在縣治南門內乾隆十年知州朱  
名立撥運寶豐以便近縣之州地丁余沈孫四屯營民借領  
向委典史承管乾隆五十四年知州張詳歸寶豐縣兼管

見陸

志版房穀數  
有卷存查



寶豐縣志卷之五

寶豐縣知縣李昉梧纂輯

建置志下

水利

通志石渠在縣南昔人築堰灌田甚多有宋金題名石刻記馬志在城南十里橋水自柴庄石村流至馬渡寨俱曲折廻旋於亂石罅隙中不知起於何代石上鑿坎樹木障水治田至今有石閘河之名兵火後全廢惟水之北瀆自彭庄井覃至温村温叟琳玉世亂逃避湖廣習見水田制作乃相視揆度倡衆濬疏自張家庄引水至村西折而南開渠二每戶成田畝三四蓋其

水甚微不能多及村人至今享秔稻之利則琳玉之力也

### 魚兒陂

通志魚兒陂在縣北明洪武年開引石河水灌田無多馬志

按洪武年遣國子生人才分詣天下郡縣集吏民乘農隙修

治水利二十八年奏開天下郡縣塘堰陂渠四萬餘處陂之

立當在此時後遂以陂北名保

魚兒陂卽樂天渠舊志悞

### 樂天渠

通志樂天渠在縣北岳家寨諸村汝水自此入境因勢爲之

渠馬志舊志以岳家寨渠當之悞也岳家寨渠乃引汝水此

則嘉靖四十二年知縣袁亮引石河水今張五庄至喬家莊

者是也舊碑尙存可考

附繆應龍撰文寶豐縣西北官家衙庄三堆屏列一水襟流

唐人白樂天故宅也其地瘠薄引河之水以灌溉亦足爲膏

腴

缺二

齊民苦其

缺二

恐利興而健訟之民又從而加賦病

益甚矣故水流

缺一

余里無益於

缺三

癸亥春楚近沙袁公

宰茲邑三年餘矣百廢俱舉民物阜安暇日卽勸民決陂開

渠以通水道興利也且示

缺三

加賦之理除害也

缺二

民李

文齊始持庄之圖

缺二

公遂躬爲相視指授方畧命工疏濬

由山左折曲旋爲渠

缺五

田園稻蔬可若干畝渠廣深高袤

若千尺步名之曰樂天渠以志唐人之遺址抑以慶民利其

利而樂其所天也猗歟休哉事

缺一字

門人李子好古謁予而

言

缺一字

欲得予以記予曰寶豐一邑土瘠產薄民貧賦重志

述備矣

缺一字

官家衙一座去縣幾三十里界狐狼山之有磔

不毛磽瘠尤甚人力

缺一字

加而或年不順成民卽逃亡逋負

亦可慨也公撫字三年勞心勤力民始安堵樂業

缺一字

復

字之

缺一字

渠備

缺一字

澇變瘠薄爲膏腴未朞月一方熙熙然

有更生之樂公之功厥惟懋哉詩云稅于桑田秉心塞淵公

之謂矣嗚呼水利者物之所由以生也物生盛則財用足財

用足則軍國之費以充水旱之災有備嗣是而出作人息敬

老實賢恤貧捍患惇厚以成俗皆水之流生利也利不窮則



公之開物成務將大有功於豐民者今茲之役豈直爲廣儲蓄已哉噫一事舉而衆善備公之政可知矣其他若疎缺二字政均賦役作橋梁築城池爲民慮者又匪不周防皆其塞淵之心爲之又豈止西北一方之民有所利賴也耶公諱亮以功晉秩爲蜀刺史且行李子恐遺其美茲併及之是爲記

### 汝水渠

馬志汝水渠自岳家寨入邑境因勢爲渠舊志所云是也其以爲樂天渠則悞居人掘得貞觀碑而文殘剝意者渠始於唐自唐而後因時潤澤歐文公金石錄所記汝州黃陂最大灌田千頃宋畢文簡公開寶五年由監察御史出知乾州以

寶豐縣志 卷之五  
三  
母老願折資就養遂監汝州稻田務今岳家寨諸村落水田  
尺畝尋澮皆當年務所治也

### 踐溝渠

馬志高皇廟東約六里爲白家店踐溝在其北石河界其南  
萬歷四十三年亢旱知縣任寵捐募開渠引水灌田與利今  
水已涸距店數武尙有碑可考

### 附馬志諸渠

永豐渠自南開橋西起東至謝家堂九女渠自江窪起至張  
家庄俱入淨腸河寶一里渠名凡二十新開咸利樂成有容

澤通福寧間益長順清源永通敬成濟美東義宣澤慶集迎

春衍流興業裕起甸安也寶二里渠名九十三新建普熙廣  
濟錫福廣運承流永寧九光恒裕便安碧草開禧萬全也寶  
三里渠名九十八新通德化玉波嘉祥集英宿星碧水永奠  
分光兆豐福泉靜涵懷安春暉靖波基始明淨永澄也寶四  
里渠名九二十一新淪和洽近悅陶然景福永享長流協衆  
勞來燕喜揚德厚民溥惠如意順流務本種德實濟返淳保  
疆端化也寶五里渠名九二十三新浚敦誠佩德綏定報功  
隆利流芳克濟映月慶豐永興沙草原遠懷泰昭顯長保啟  
元濟衆錫恩逢泰挹青宣化豫美也寶六里渠名九十一新  
成遵義便農嘉穀尙義推恩芳經喜新全美衆成布德也寶

七里渠名凡十五新安移風落鷗揚公天成徵善介  
長注昭樂撫流承麻耀光永康會同也寶八里渠名凡三十  
新集利濟豫防調元漱石化日澄清南利盈聚宜安永茂年  
豐便民甘泉養禾枕流奉賢翠柳光前歸澤接流功成露華  
深通修古瑞麥賞心導流朝宗匡時也寶九里渠名凡四十  
六新遠引水惠民西惠東惠萬安永利興濟政通丕承自得  
修睦清流應時利東宜重永熙侯利惠陸敷惠悠然慎終昭  
德葵傾懷恩廣澤永懷平波集慶安平浮烟鑑觀裕後振德  
幽深德興常寧艷波寧流耀明戴澤敦仁勝觀荷澤清和長  
壽也寶十里渠名凡二十新興人和安民情譽積萃永阜盈

寧光澤長樂步月永福雍睦天興常豐金沙安瀾宣恩廣德  
達流廣惠也凡此類皆田間溝洫或一家獨引或數姓均疏  
亦畎畝之常非特典之善附記於此以見十夫有溝千夫有  
澮之遺則云爾

橋梁

昔有今無  
者不載

通都橋在縣東關外玉帶河上正德十一年邑人曹興募建天  
啟六年知縣黃佐明修邑宦杜齊白有記乾隆八年知縣馬  
格修乾隆六十年邑民于宏仁等重修道光十五年爲河水  
冲塌邑紳楊源清重建

晚虹橋在縣東關外八蜡祠後玉帶河上道光九年東關紳民

寶豐縣志 卷之五  
五  
馬綱等叛建有碑云激水自西來挹邑西関偏折而北逸過  
西門至城西北隅與西北來之栢水合東流過北門至城東  
北隅數十武折而南又數十武折而東百有餘步又折而南  
全抱東関而始東流云地勢如此水勢如此此數而赴城者  
不能不需乎橋也西門外有永濟北門外有仁政東門有通  
都出其間者無慮褰裳濡軌矣而通都之上仁政之下有渡  
口在八蜡祠後乃東北一帶赴城之要路水勢衝激石罅深  
邃車行至此輒至傾陷經其地者鮮不謂宜建橋焉而殊未  
有首事者也會通都橋板陷數孔其餘亦多損缺東関諸

子起而議曰是非撤舊易新不可然橋之壞者宜重修而渡

之無橋者宜創建蓋新舊兼營乎乃遂各捐已貲並募鄉眾  
得六百餘金由是鳩工伐石自初春始至秋七月舊者更新  
新者亦燦燦乎告厥成至修橋上下路併補葺三元宮與文  
風閣之破敗運用有方又其餘事已工既竣諸君子以記屬  
予且謀新橋之名予惟永濟仁政通都皆有於二百年之前  
而此一橋乃遲之久而又久則謂之晚虹也可眾皆忻忻然  
曰善夫晚虹之建也茲水之來自西北而東而南三而環城  
有三橋宜若無所間阻然不有新橋其不便者尙多斯亦水  
之一憾也自今橋成過者坦然順適無不樂水之灣環而有  
致是晚虹又爲此生色矣用爲記汝州增生史光裕撰

永濟橋在縣西門外玉帶河上嘉靖元年鄉民張雲募建邑進士李秉仁有記後大水衝圯嘉靖四十一年知縣袁亮修署教諭繆應龍爲文萬歷十三年知縣饒大英重修邑民喬楹李思忠捐貲倡輸又名倡善橋嘉慶十六年邑士姬鳧等重修有舉人李瑤璋碑記

惠衆橋在縣南門外明河南參政楊子器改渠建石橋制甚窄狹貿易者列貨其上不便行李康熙二十五年知縣李秀發擴修之中可容車傍可列肆行旅士民各稱便邑鄉約李得祿募貲督工嘉慶年邑紳楊崑重修道光十五年爲河水冲

壞邑紳楊崑清復重修



仁政橋在縣北門外玉帶河上白鏃有記嘉靖三十六年縣元江煥勦建未竣去教諭潘元翰捐奉助之四十年知縣袁亮始訖功焉萬歷間知縣任罷邵建封沈懋先後補修故又名三公橋崇正五年知縣石可礪重建乾隆五十六年邑生劉成功等重修知縣陸蓉撰有碑記道光十五年爲河水冲塌邑紳楊源清重建

上石橋在城東南今呼作苗家橋北抵大路南達馬蜂溝任店等處寶魯交界

中石橋在城東南寶葉交界舊志誤作秋河橋北抵陶家寨西北抵滄陽鎮東南達葉縣明正德十年鄉人趙安及葉縣鄉

人霍名募建有碑記萬歷戊子葉邑鄉人張鼎擴修南京兵科給事中衛道撰碑文

下石橋在城東南據中石橋碑記此爲東石橋橋北抵蕭家莊陶家砦等處東南達葉縣遺址今存

湛水橋二座在城東南一在焦家店乾隆年邑人王銓獨建有邑紳李海觀碑記一在野王庄嘉慶二十四年監生程振基等倡建有廩生董自泰碑記

高河橋在城東南三十五里嘉慶二年邑紳龐在文倡建有曾陽舉人潘業爲撰碑記云客有請於敬亭潘子曰今茲濱陽

城石臂當應水下游石梁屹然厥費不貲君友人龐念茲獨

爲之請不朽其事敬亭嘿然弗應客又曰其始事蓋念茲心  
動病涉者而勿敢專也既乃請命於其季父國子生應南焯  
忻然弗以靳迄用有成可勿詳諸敬亭嘿弗應客又曰業竣  
事鄉人咸若謀以告後者念茲聞之色然駭掩耳而卻走力  
拒之若有所弗勝也於是敬亭子瞿然起曰嗚呼此

聖世之澤也夫管子曰匹夫爲善於鄉程子曰一命之士存心  
利物於人必有濟凡此者皆非難難乎其勞而不伐有功而  
不德者也夫今之人崇信佛者布金輸繒以興無益之土木  
者不知凡幾也卽布施茶餅俵散藥物平夷道路修固川梁  
亦所在多有然非中於禍福之說則希心於後世之名耳夫

福田利益庸夫愚頑之所奔走宜儒者勿道若乃好名之心則賢者之過也今念茲爲義而恥居德吾是以重有取也蓋國家之承平久矣司徒以鄉三物教萬民而賓興之有餘年湛恩渥澤潛移默化寢寢乎有天下爲公之氣象雖窮簷蔀屋殞人孺子莫不有貨棄地而力不出身之恥况讀書好禮之士乎孟子謂王者之民皞皞也信夫以是諾客之請客躍然去念茲名在文字靜齋國子生授散官其弟已酉拔貢生龍文候選理問宗文例貢先允文皆踴躍爲義例得備書

大石橋在城東北二十里養水之上養水卽呼石河者是也舊

爲石橋之水勢湍急易於頽圯後里人募資改建高大宏敞

甚爲偉觀

汝河橋在城東北二十五里汝河以木爲之夏撤冬成

勸善橋在城正北岳寨之西濠道光十三年邑民岳評創建有  
監生岳峯碑記云修橋常事也矧區區工程所費僅五六十  
金焉用記皆瞿然曰此壕隔限東西也久矣諸父老嘗議募  
未果渠不假衆力獨出已貲其好善爲何如好善輕財卽田  
連阡陌者猶或難之伊陟不足二十畝而慨然有此義舉其  
好善之誠爲何如吾輩選工購石諄諄求記者爲是故耳夫  
表揚善行君子之事也峯何敢當此任者顧予世居茲土知  
橋之端末甚悉故不自知其固陋勉從諸公之所囑也按明

史寨在邑北三十里許土墻浚壕壕深一丈寬兩丈有奇引渠灌壕波流溶溶肇自明季流寇猖獗日地處伊洛汝潁之中東連楚皖西接秦晉誠行旅往來之要津也則設門建橋安可或缺哉奈爾時北設橋於東而無西壕之備者何則者縣志云崇正甲戌歲流寇熾作賊營二十餘連屯百餘里盤踞函谷河陽間於是汝邲之西門不啟於此觀之其由來可知矣誠以干戈擾攘聊固吾圉一時權宜也迨我

朝定鼎以來休養生息承平幾二百載矣

聖相繼德澤洋溢溥天之下率士之濱凡宜杠宜梁者靡不次

節修舉而西壕之橋仍缺蓋善行之罕也如此嘗見車騎雜

列

踏行旅交錯臨壕榜徨繞道紆行每咨嗟嘆息而興單子無  
梁之譏也一旦高駕長虹如砥如矢俾二百載坎坷之路煥  
然於變周行者伊誰之力與今而後向之臨壕榜徨者將拍  
手而長驅繞道紆行者必掉臂而直入也易曰積善之家必  
有餘慶吾於評有厚望焉獨是善者天下之公理好善者天  
下之公心周書彰善而瘅惡春秋懲惡而勸善善之量豈有  
窮因重諸公嘉善之命喜族子好善之誠故詳叙寨之淵源  
橋之巔末而題其名曰勸善非止爲一鄉一邑勸並以爲天  
下萬世感發云

紅石橋在城東北實五里大牛庄乾隆年牛崙妻陳氏建知縣

胡表其門

公義橋在城東北高鐵爐村南三里許道光五年陳元一創建  
邑監生秦福田爲撰碑記云村南三里許舊名石河先儒疑  
爲養水東北會於汝源出將孤山自三堆東流徑山陰下迤  
邐數十里經石橋鋪長虹跨焉無病涉者其下爲竹園村渡  
亦赴郊襄之旁道也渠隘而深其流疾不可以舟素無橋梁  
行人苦之陳君元一性人厚好施濟目擊心惻成徙杠焉每  
歲孟冬草創興梁遠近樂利有年矣又慮不能歷諸久遠乙  
酉春欲濶其規易水石謀於予予力贊成之挽鄉里好義者  
十有五人共襄厥事亦伯玉耻於獨爲之意也衆情踴躍不



踰月而工竣自今以往出於路者可無褻裳濡軌之慮居者  
便之行者德之屬爲文言以誌之固陋不獲辭謹據實以書  
所以褒陳君嘉衆志庶永垂於不朽云

太平橋在城東北大新庄舊有輿衆年遠就圯乾隆乙酉春首  
民李培獨修又置義路寬約二弓長約一百三十弓有范常  
森碑記云 自浮屠以因果之說惑世而愚夫愚婦遂曰修  
橋則嘉名可錫補路則富貴可獲信斯言也則凡世之儲貲  
財擁厚寶者皆可出其贏餘以昌後嗣拔高科矣而貧賤之  
士家無擔石又安望有發跡之日哉是說固不可爲訓然執  
是而謂橋不可修路不必補則又不可何也造物所鑒者惟

人心心屬於圖報邀名難言迂林於無窮心存於濟人利物自然食報於不爽福善禍淫寧差累黍哉縣治之北有大新庄汝支環抱其東舊有輿梁以便往來乃年遠就圯行人幾有褰裳之嘆居人目擊心傷而苦於力之不給李君天篤慨然起而肩任之鳩工庀材肇修於甲申之冬視成於乙酉之春四閱月而工告竣夫天篤世傳忠厚循循雅飭家雖豐饒不與外事且素稟怯懦不耐煩瘁及其任斯事也舉凡石工之糗糧應需之物件悉取給於已而財與力兩無所吝豈圖報邀名而然歟殆心存利濟而樂於拯溺也乎以視世之持牙算計分毫徒遺人以看財奴之誚者其爲人賢不肖何如

也耶易曰積善之家必有餘慶吾知三鳳八龍高爵厚楮鏤  
姓字於鼎鐘將爲天篤期之矣則今日之刻石紀善亦不過  
爲之兆也云爾是爲記

達魯橋在城西南十里應河上以路達魯山故名明正德五年  
鄉人曹興募建

井潭水石橋在城西南張家庄建自前明天啟間道光十年邑  
紳楊岳重修有邑庠生王天篤爲撰碑記云 聞之爲善最  
樂而能全人之善者爲尤樂井潭水之石橋在張家庄西前  
明天啟間有張君汝登其人者以其地爲寶邑孔道倡義募  
化創建之後過客行人不至慨嘆於徒涉其裨益於斯者爲

何如哉迄今世遠年湮車轍馬跡相繼靡已基址日就傾圮  
熙來攘往莫不蒿目而扼腕張君募化之功不幾泯泯無傳  
乎幸而布政司理問耐菴楊公諱岳者過其渡而傷之曰  
張君之善不可沒也遂復嗣而葺焉不日而告厥成功知是  
津者咸踴躍鼓舞謂斯橋也某某創於前某某繼於後是張  
君之功得楊君而益彰而楊君之功較張君爲更鉅也時牛  
公克讓李公強等樂其事之善請予爲文以誌予不容以辭  
是爲記

濟衆橋在城西南火神廟庄牛起較建王戛玉修傅魁重修有

邑生葛得榜碑記

通濟橋在城西北商酒務玉帶河上元延祐四年汝州知州岑

文建

普濟橋在城西北二十五里官家衙爲趕汝孔道有溪自西來  
蜿蜒東注行者病涉雍正十三年里人張起倫建橋於此

雷公橋在城西北商酒務二里許乾隆二十九年知縣雷汪度  
創建道光四年邑庠生楊岸清重修原建碑記云 水旣遵

渠則嚮之足病者今且爲利然跨水非橋往還者又未便縣

北趙官營南豐裕渠水自石崗營至荷花橋入泥河復滙容

裕德化普齊渠三水入石河口渠業浚而導諸水矣而岸道

自石崗營抵商酒務爲車馬及擔負行走者赴州所必經路

使非有橋則值雨甚水卽平漫民且病涉 邑侯雷公蒞寶  
豐二年渠旣漸次就治因庀石爲是橋橋成而兩岸皆通於  
是沙水泠泠石渠僊僊民往來者悉稱便焉遂名是橋曰雷  
公橋且羣謂宜誌其蹟而鐫之石因詮次厥事俾工刻之而  
樹於側

西關石路乾隆十九年知縣徐碩士捐修有碑曰徐公路道光  
十五年爲河水冲壞四十餘丈知縣李彷彿督修

東關石橋路乾隆二十四年邑民于財等捐修

### 集鎮

舊志在城集四關廂十字街興賢街縣衙後七處輪流

開店街集在縣正東三十里東通邳縣西達魯山縣

崔家集在縣東四十里東通襄城縣西通寶豐縣達汝州  
焦家店集在縣正東五十里東通葉縣

高皇廟集在縣正北二十里西北通汝州

岳家寨集在縣正北三十里東北通邳縣

澗陽街集在縣東南三十里東南通葉縣西北通汝州

曹鎮街集在縣東南五十里東南通葉縣西北通澗陽達汝州  
陶家寨集在縣東南六十里東北通葉縣

大石橋集在縣東北二十里東北通邳縣西南通魯山縣

馬渡街集在縣西南十五里西南通魯山縣東北通邳縣

商酒務集在縣西北三十五里東南通寶豐縣西北通汝州

店頭街集在縣西北五十里西北通汝州正南通魯山縣南北

古鷓路

寺觀

廣嚴禪寺

許崇仁撰重建記馬渡店中有古寺曰廣嚴禪寺實創始於  
宋延祐二年景泰間僧崇修建宏治九年十一月立

龍興寺

惠昇撰汝州龍興寺重修記創建於景祐三年汝志載曹皇  
后奉勅建爲龍興寺至正年間俱號原額宣德丁未智公住



持此寺補葺正殿天順二年孟冬立

中菴換重建龍興禪寺記汝海之南有古刹北依汝水東接  
郢川南瞰沙河西瞻峴山後漢名曰龍興自宋已來廢墜洪  
武二十四年前往持鳳公重建大殿正統壬申又建伽藍僧  
堂門廡云天順五年亥月立石

### 白雀寺

扈延吉換新建二殿記舊無水陸天王二殿嘉靖三十八年  
僧性海創建四十二年四月立石

### 白雀寺陸祖殿

龔良正撰創建記白雀寺陸祖殿省祭官程洪策捐金督造

隆慶二年四月八日

白雀寺千佛閣

李宜培撰創建記王永載獨倡義舉遂議建閣崇正三年中秋

地藏王監齋二殿

張鎬撰創建二殿記住持僧性海於隆慶二年冬月謀於社首馬馳寺二殿各建三楹萬歷元年仲冬立石

附白鎡撰白雀寺考白雀寺之建也其來久矣代廢代興嶺未無據邑志謂宋熙寧五年尼真秀建洪武十五年妙然重修然而亦未有考也今佛殿前後所存者止大齊天保四年

及十年兩碣耳夫天保紀年乃北齊文宣帝高洋之年號也  
歷隋唐五代宋元迄我皇明今已一千七十一年矣世代遼  
遠風雨摧凌龕中俱無完佛石上字難識認侍佛者不曰道  
民某則曰邑子某又曰佛弟子某卽今信士信女之說也而  
寺之名不一見獨西南隅有僧塔八座其一則宋時重海和  
尚之塔至今亦四百七十五年矣以寶光二年而爲僧皇祐  
三年而物故或者不察謬目之爲尼姑蓋塔有俗姓張氏四  
字誤之也此時前牧天章閣待制王公方騰奏請仁宗賜額  
爲慈壽院猶未有寺之名也第重海歿後而始以院名則其  
先果何名而渠果何處剃度爲僧耶又殿前一石柱宋政和

五年王貴等所建其象曰香山白雀寺住持立豈在仁宗朝  
爲院至徽宗始更爲寺耶又有元至大四年白雀寺住持琳  
公和尚之塔則此寺遂相仍到今矣大抵寺之創建未知何  
代卽莊王城亦無的論也說者曰春秋葉地屬楚相距六十  
里許此爲楚莊王似矣然楚熊繹封於荊蠻胙以子男之田  
居丹陽南郡今枝江縣是也其後都郢更名曰楚而莊王旅  
稱雄五霸特二十三年耳漢明帝時佛始入中國春秋無佛  
安得篤主神女爲大悲菩薩乎說者又曰明帝永平間遣博  
士蔡愔等十八人入天竺迎佛法獨許美人所生楚王先好  
之此爲楚王英似矣然光武狗潁川屯兵巾車鄉馮異爲漢

兵所獲曰異有母在父城遂與其長苗萌率五城以降帝卽  
署爲主簿是父城縣任東漢之先也左傳爲楚城父城豈先  
有此城至明帝而更封英乎況英以練帛助蒲塞桑門之盛  
饌而與方士造作圖書有逆謀廢徒丹陽自殺夫以反見殺  
安得有謚且明帝名莊漢人諱之卽臣下之姓尚改莊易而  
爲嚴矣豈有以反叛之臣謚主上之諱而畧無顧忌乎英女  
敬鄉公主樊鮪爲子賞求婚其兄儵聞而止之曰爾止一子  
奈何棄之於楚鮪竟不從未聞樊氏之婦爲大悲之神也俗  
稱莊王疾篤其女舍手眼醫父乃成菩薩此雖荒唐不足信  
亦足以明菩薩之父必非謀反之英矣或又曰妙莊王妙善

寶豐縣志 卷之三  
公主者不過爲修行成佛贊其妙嘉其善耳非真以妙爲國  
號也故謂爲東漢楚王英者非而謂爲春秋楚莊王者尤非  
自南北朝來佛法日盛魏高祖專尙釋氏遠近成風無不事  
佛比及延昌州郡共一萬三千餘寺魏肅宗作瑤光寺故太  
后作永寧寺僧房千間珠玉錦繡駭人心目若此處者正元  
魏地也則寺之創建必在晉宋齊梁間無疑矣且後秦魏甚  
以白雀紀元其子姚興奉事番僧鳩摩羅釋最至又安知不  
以白雀名寺乎乃今父老相傳寺之先有異槐白雀巢於其  
上遂因以名此果得之碑記耶抑得之耳譚耶嗚呼文獻不  
足杞宋無徵今之視昔已不可考矣况百世而下疑以傳疑

何所稅駕哉余故稽諸歷代之史及閭里所傳聞者聊一辯  
駁焉儻以余言爲未然則有博古之君子在趙太中書冊明  
萬歷一十九年歲次辛亥十月吉日承德郎陝西西宏府通  
判邑人真予白鉉撰

普門禪寺

孫榮孚撰記僧普耀至元丙戌至大德丁酉其創者四圍石  
寺基正門大室二甬路

周璿撰修建大普門寺碑潭公月印禪師興建於香山爲特  
盛殿堂門廡闔壯偉麗其提點圓辨以師締構之勤成此功  
德因刻石記之正統八年仲春立

虞廷重撰重修大普門禪寺記自隋唐宋元歷代重建不一  
洪武年間僧竹菴創建至永樂宣德正統以來月印重修起  
造後大佛殿七間及左右大小祠堂廊廡僧房廚庫福凜百  
餘十楹近於成化五年瑞堂募造大悲正殿七間望大悲菩  
薩及文殊普賢二尊成化十五年季春立

香山寺

劉奎撰修造記正德丙寅祖勤無念爲衆所推度費繕新佛  
殿禪堂樓閣鑿池構亭正德六年十一月

香山西菴

僧思微撰重修功德記泥思廣重修正殿及修雲堂齋厨二



門至順二年十二月

香山西院佛殿

李敏撰重修碑記洪武初貴公神師大開法門其徒圓祥重修佛殿未就而卒次徒覺香等粧飾殿宇煥乎聿新成化十一年季春

觀音地藏祖師三殿并鐘樓

潘倣撰記襄城善士捐貲修建始工正德十四年落成於嘉靖元年

香山禪林

顧相撰重修香山禪林記王以治等捐修隆慶五年二月

香山鐘樓

張維新撰記僧興本募建萬歷庚子仲春

白衣觀音九老閣

白鏞撰創建白衣觀音九老閣記天順戊寅英宗睿皇帝勅  
賜香山大普門禪寺後有檀樾趙宦姚士登等創建九老閣  
萬歷三十九年十二月

觀音大士塔

劉若宰撰重修記熙寧元年勅建杜齊白及僧福恕等於崇  
正改元正月修葺二年九月告成

萬壽寺

卽古靈相寺

邱龍雲煥重修記嘉靖間袁近沙公令茲邑名寺曰萬壽萬  
歷十三年十月

黃佐明煥修建萬壽寺水陸齋記邑士庶何鳴遠李文蔚陳  
紹舜溫九德同衆等修齋創建天啟四年孟春立石

嘉靖十五年知縣賞錙煥重修記云萬壽寺爲古靈相寺考  
之縣志靈相寺在靈泉祠東卽今萬壽寺也創自金大安元  
年一修於明成化三年香山寺僧覺堅主持其寺募化廣修  
規模宏敞其寺之四至具載碑中再修於萬歷十二年邱龍  
雲煥重修碑記嘉靖間邑令袁公近沙始改名萬壽寺名仍  
其舊世遠年湮廢棄者久之今年春閣邑酒館等公捐銀若

千兩公呈願請重修其時監工者爲邑紳楊岱香山寺僧人  
通德佐之鳩工庀材撤舊圖新中建大殿五間東伽藍殿三  
間西祖師殿三間東偏禪房三間西側屋三間屏門樓院門  
西角門各一間月臺廣四丈有奇不數月而工告竣輝煌丹  
碧煥然一新登其殿者尊禮瞻仰又可想見當日之區畫形  
勝也至常住之規模更有以待夫後之住持蘭若者是爲記  
時更午冬月立石

普度禪林

劉令譽撰創建普度禪林記丙寅歲筮仕茲邑卽見邑內西  
南隅有觀音堂一區爲易名曰普度崇正十年立石

神應觀

金重修神應觀記宋大觀立祠題曰鵲山神應廟大定戊戌  
復建正殿三間貞祐乙亥得賜額爲神應觀乾隆壬寅正月  
十三日老君殿焚僧人陽重募資重修有廩生郭丙南碑記  
三仙觀

范廷弼撰重建記甘羅臺上有玉仙聖母觀三楹劉應試等  
相繼修理同社孫永福等施貲創葺天啟元年十二月立石  
觀音堂

劉奎撰創建觀音堂碑洛陽護衛夏恭捐貲創建坐東面西  
工始於正德五年戊午春三月三日成於秋九月九日

嘉慶二十五年邑廩生常淑軾撰重修記云寶豐名勝肇於  
勝國憲宗十年而此堂之設不知何自昉焉其遺碣有二一  
新於前明崇正庚午一新於

國朝康熙癸丑迄今百有餘年風雨剝落廟貌漸就傾圮歲乙  
卯邑人王坤韓磊等合衆公議舉首事者監生李占魁董其  
事而更新之於是鳩衆釀金修葺丹堊深其基址高其棟宇  
視前此尤爲完固其南側別築小院中建矮屋八九間以爲  
廟祝香火之資其後爲徐公路亦補修之以利行旅之往來  
歲事後求記於石余謹誌其顛末如此至於春風花面楊枝  
甘雨其說具在余固不暇深論云

鎮海寺

在縣北汝水之濱邑生蕭翰撰碑文畧云汝水蜿蜒西來皆安瀾也至寺北則波濤涵湧湯湯乎有海若之象焉

崇興寺

在縣西北俗名寄料寺萬歷八年修邑人高擢撰碑文

通峯寺

在關店迤北乃前明杜氏所建之功德院也有嶺曰寺坡迤東有五龍廟

白衣堂

在縣西北湖浪泊舊以堂名其地野曠人稀知縣陳希芳招

民居此編爲寶三里又十甲比屋殷繁雍正四年鄉人李學文等修建此堂

壽峯寺

在縣西山麓萬歷四十年重修

清涼寺

在壽峯寺迤東萬歷九年重修邑生王之仁換碑文

聖水堂

在峙山下有石池其泉不涸水經注橋出峙山峯此當爲橋水發源處堂建於元至正年間明萬歷天啟時相繼重修

梅廬寺



在強鎮南臨應水馬志應水折而東至旃壇寺入強

周克聰撰重修旃壇寺記云釋氏之學昌黎斥之淫祠之設  
梁公毀之是也顧人心易惑習俗難革抑且祈雨課晴相沿  
有舊則雖不載祀典而於禦災捍患之義不爲無取寶治東  
南應水之陽有旃壇寺剏建年月無考勝朝已經重修近復  
傾圮上人性舍不善幻而明作有爲舉其中之祠宇一切從  
而新之工竣請記焉夫有其舉之無或廢也旣已斲木搏土  
而像之像之而不祀瀕于慢祀之而無以妥野于禮矧猶涉  
於禦災捍患之典乎又且地頗形勝鄉先生往往講學於此  
浮屠氏朝夕耳熟焉將墨名而儒行未可知也尼父不革獵

較不葺葺之而已

漢高皇廟

許淵撰高皇廟記寶豐治東南神林鄉古有高皇廟善士劉  
玘玉名劉志剛等同諸社家各捐已貲重修祠宇成化十八  
年十月立石

三官廟

李錫撰創修記善士夏恭等修正德四年十月立石

龍山真武廟

杜缺撰重建記缺工於壬申之春落成於缺子之缺正德十

年孟冬

祖師聖公聖母廟

姚汝臯揆重建記信士趙厚等各捐貲缺卜日而規營之嘉

靖三十三年起工卽年落成

三元宮

在東關舊僅一間乾隆二十七年邑民于財等擴而大之

父城廟

見香山寺明昌三年鐘識

東侯廟

見香山寺明昌三年鐘識

丁蘭寺

見香山寺承安四年鐘識

坊表

道德二坊在頰壁

起潛坊在頰壁外復易以文明二字遺址今存

彰善坊乾隆六年撫院雅獎勵孝悌節義城鎮俱有

延安府同知白鏞贈父母坊在東街

孝子廩膳生員陳策坊在東街

儒童李汝念妻任氏貞節坊在東街

雅集書院坊在東關外義勇祠前道光十五年知縣李昉梧建

生員姬纘武妻李氏貞節坊在西街

嘉靖己酉科舉人白元坊在西街

姚政妻田氏貞節石表在西街

生員姬纘康妻孫氏貞節木坊在東侯街

廩生吳侗妻鄭氏貞節坊在西街

節孝總坊在西街節孝祠東道光十三年知縣李仿梧彙請

旌表簡孝貞烈婦女四百三十名邑紳楊淮添貲建立總坊

嘉靖甲午科舉人劉敏政坊在南街

李斯羽妻劉氏貞節木坊在按接街

張振坊在南門外振墓前

太原府通判李持衡贈父母坊在北街

嘉靖乙未科通政司進士李秉仁坊在北街

舊志載  
已未訛

七世同居鴻臚寺序班蕭湘坊在北街口

生員李瑤妻惠氏貞節石坊在北街

廩生李榜妻葉氏榜子生員時化妻焦氏一門雙節坊在北街  
廩生何羽翹妻董氏貞節坊在北街

節孝徐文旆坊在北門徐公墓前

義民扈敬坊在舊父城保

白璿妻李氏貞節坊在商酒務

余得芳八世同居坊在余官營監生余式周祖塋內

東門承流坊東街明舉人劉奎坊俱久廢

西門宣化坊西街給事王之晉坊明舉人衛永昌坊董英妻  
丁氏貞烈坊俱久廢

南城雲路坊南街拔貢王聘坊俱久廢

北街明舉人季秉仁坊久廢

### 普濟堂

普濟堂在養濟街舊名養濟院街西面東南北二丈七尺東西  
十七丈四尺明末燬雍正十三年知縣唐永彰重建正宇三間  
兩廂各五間後女房四間廚房二間大門一間總督部院玉碑  
記餘贖買田以供口糧又餘付質庫生息以備衣服爲制周密  
所以宣布

皇

仁永惠無告原地三頃二畝六分屆義順捐施當地七十七畝  
瓦房七間草房一間籌備生息元銀四百兩收養貧民男婦二

十四名口

見陸志

一堂內原存瓦房二十間

知縣陸蓉謝典曉修道光十二年知縣李彷彿重修

新增瓦房十一間

道光四年知縣謝典曉添建邑民柴文成施入地三分三厘五毫典吏姬裕倉施

八地一段

新增瓦房三間

道光十二年知縣李彷彿添建

一堂內原置地三頃二畝六分

坐落城東張家庄每年課錢二十八千文

新增李九賢庄地四頃五十三畝七分奇

每年課錢共九千文道光四年知縣

謝典曉籌增有碑記附後



一堂內原存生息元銀四百兩

交當按月二分起息

新增回贖屈義順房地錢二百一十五千文

按善志每年課租錢六千嘉慶

十年原當主將房地回贖知縣當錯交當按月一分五厘生息

新增經費錢四百千文

堂內歷年盈餘錢三百六十餘千道光八年知縣崔錫榮捐足四百千整

交當按月

一分生息

新增經費錢一百千文

堂內歷年盈餘錢二十餘千道光十七年知縣李彷彿捐足一百千整交

當按月一分

二厘生息

一堂內原額收養貧民男婦二十四名口

新增收養貧民男婦二十六名口

道光四年知縣謝興曉詳增

新增收養貧民男婦七名口

道光八年知縣崔錫榮詳增

新增收養貧民男婦三名口

道光十七年知縣李衍梧詳增

以上共收養貧民男婦六十名口

### 附留養局

留養局一所瓦房三間

坐落南關外道光四年知縣謝典曉建

重修普濟堂增置地畝廣收養額碑記

知縣謝典曉撰道光四年立石

昔賢謂一介之士苟存愛物之心於人必有所濟夫濟人之事非特恤惇獨也而無告之民發政宜先況以

聖朝深仁厚澤軫念窮民惟恐天下有一夫失所自京師至各部

縣養濟院棲流所留養局所在皆是凡官吏士庶莫不具有不

忍人之心於鰥寡孤獨疲癯殘疾之人孰不宜加之意哉寶豐

縣舊有普濟堂有地三頃又有銀寄商生息收養孤貧二十四名固善政也道光三年秋余宰於此視堂宇傾圯捐廉修葺而每以屋隘額少爲念是年冬邑人楊岱楊岸清慨然助資請益其屋廣其額余遂欣然與總戎王少府商買李九賢庄及棗庄地五百九十餘畝增屋十五間量歲久之租息收養貧民五十以爲常口糧棉衣以及夏席冬苫支銷皆白之大憲訂久遠章程噫是豈於一邑之顛連困苦遂普收勿遺哉顧楊氏叔若姪不得謂非存心愛物者也姑舉力所能及者存恤之或更踵而行之擴而充之安見斯邑之民不能使之得所乎是爲記

漏澤園

舊志載明嘉靖四十一年知縣袁亮以演武場前民間取十殘  
敝侵削乃改於西赴汝州大路旁立界封石東西南北長濶俱  
十丈五尺後又四郊皆設立地各二畝

城南袁家庄一處地一畝東關一處地一畝俱雍正五年試用  
知縣仇伸捐置

縣西張家庄一處地一畝二分雍正五年里民袁起賢施

縣北泰山廟後一處地一畝二分雍正十三年武生李作福施  
西關一處地一畝二分乾隆二年里民陳五嚴施

城東邢家庄一處地一畝二分乾隆二年里民牛鳳翔施

北門外一處地一畝二分乾隆五年里民柴生玉施

楊家崗一處地六畝監生余自忻施

南門外一處地一畝五分乾隆五年里民趙天禧施

商酒務北一處地二畝乾隆六年里民白玉施

東大石橋一處地二畝乾隆六年里民王景崑施

焦家店東一處地一畝乾隆六年里民鄭國俊施

七里橋一處地三畝乾隆六年里民焦仙施

泥河涯一處地五畝乾隆六年里民陳宗曉施

黃塚東北一處地五畝乾隆六年里民王良賢施

官家衙西北一處地二畝乾隆六年張起倫施

附滄陽鎮舊義塚六

失置地  
名氏

東南一里許路南北新舊二處

街南頭正南一里許一處

西南古城下坡一處

正西應河西一處

正北官路東去鎮一里許一處

白骨塚在潢陽鎮地爲生員何之楠捐輸

翟家集明萬歷年知縣范廷弼立義塚二處

以上俱見陸志

嘉慶十九年知縣秦伯度價買陳梁氏地二畝六分一厘二毫

坐落西大路作爲義地

地價錢一千一百七十  
五文有地契存工房

嘉慶十九年邑生王淑元施義地一區約五畝竒坐落城東小  
張庄有湖南清泉縣知縣李元滬碑記





寶豐縣志卷之六

寶豐縣知縣李彷彿纂輯

典祀志

祭以事神明禋肅將弗可忽也若夫祀出於

朝廷所命器數儀文令典昭彰雖上祀中祀羣祀不無隆殺之分而申昭報之誠則一令甲森嚴將事者宜何如恪恭慎重不當視同蘭若古刹也舊志茫無區別茲特敬錄典祀爲一編尊彛章也因以見春祀秋賽皆在有功德於民者而非范六丈所云鄉人之簫鼓

社稷壇

河南通志社稷壇在城西 舊志其地東西十二丈五尺南北十丈五尺

先農壇

河南通志先農壇在東關外 舊志正字三間東西各一間乾隆年知縣陸蓉修藉田四畝九分

神祇壇

河南通志 風雲雷雨山川壇在城南 舊志在南門外偏西其地東西十六南北二十五丈

漢高祖廟

河南通志在陂北保 按陂北保卽今北宮河皇廟是也

文廟

興建見學校門 朝查 洪武十五年去塑像設木主天順八年置鍍金銅像嘉靖九年仍改木主

按會典大成殿祀

至聖先師孔子

四配

復聖顏子

宗聖曾子

述聖子思子

亞聖孟子

十三哲

閔子損

冉子耕

冉子雍

宰子予

端木子賜

冉子求

仲子由

言子偃

卜子商

孫子思

有子若

朱子熹

東廡 先賢蘧瑗澹臺滅明原憲南宮适史記作括商瞿漆雕開司

馬耕梁鱣冉孺伯度

家語作處

冉季漆雕徒父漆雕哆公西赤任

不齊公良孺公肩定鄆單罕父黑榮祈右人郢鄭國原亢廉

潔叔仲噲公西輿如邾莒

史記素隱作邾莒

陳亢

說文作伉

琴張步叔桀

廣少韻作題

秦非顏噲顏何縣亶樂正克萬章周敦頤程顥邵雍

先儒公羊高伏勝董仲舒后蒼杜子春諸葛亮王通陸贄

范仲淹歐陽修楊時羅從彥李侗呂祖謙蔡沈陳淳魏了翁

王伯趙復許謙吳澄胡居仁王守仁羅欽順黃道周湯斌陸贄

道光六年增祀黃道周道光五年增祀湯斌道光三年增祀

西廡 先賢林放慮不齊公治長公哲哀家語作克高柴樊須商澤

巫馬施顏辛

通典作柳

曹卹公孫龍秦商顏高壤駟赤石作觸公

夏守石處奚容藏顏祖句井彊秦祖燦成公祖句燕伋樂欬

狄黑孔忠公西藏顏之僕施之常申棖左邱明秦冉牧皮公

都子公孫丑張載程頤先儒穀梁志寓堂生孔安國毛萇

鄭康成范甯韓愈胡瑗司馬光尹焞胡安國張栻陸九淵黃

幹真德秀何基陳澔金履祥許衡薛瑄陳獻童蔡清呂坤孫

奇逢劉宗周陸隆其

邑紳道光六年增祀孫奇逢道光八年增祀劉宗周道光二年增祀

按舊志不載從祀諸賢第歷年有增祀者以應載入備考

按會典崇聖殿祀

肇聖王木金父公

裕聖王祈父公

肇聖王昉叔公

昌聖王伯夏公

啟聖王叔梁公

先賢

顏氏無繇

孔氏鯉

曾氏點

孟孫氏激

東廡先儒

周氏輔成

程氏珦

蔡氏元定

西廡先儒

張氏廸

朱氏松

文昌廟

奎星樓

興建均見  
學校門

關帝廟

河南通志在城內  
制甚小後潮拓乾隆年吏員周禮修

舊志在倉巷抵北城始明正德間  
知縣胡元吉重

修

寶豐縣志 卷之六  
旗纛神 舊志每歲端午霜降於演武臺將臺祀之

龍神廟 河南通志在城東北

火神廟 河南通志在東關 舊志乾隆二十年商民李朝蘭等修建

按舊志載王道衡換新修炎帝廟記大定開王和王政連玉等修建正大改元立石

東嶽廟 河南通志在北關卽泰山廟也

城隍廟 河南通志在東侯街

按舊志載陳應麟換重修寢殿記善民牛承開狄望堯馮善慶謝邦珍與邑之士大夫 缺 問左之富而好施者咸樂

輸以終厥事是役也始於萬歷二十二年正月至二十三

年三月落成

嘉慶二十一年知縣秦伯度重修有碑

劉猛將軍廟

在八蜡廟西乾隆年知縣馬格建 按畿輔通志載神名承忠吳川人元末授指揮壯歲請戍奸盜

飲藏適江淮飛蝗千里揮劍逐之蝗盡盈死後以主事自沉於河土人祠之有猛將之號雍正二年總督李維鈞以神靈蹟顯著奏請所在官司以春秋戊日祭之

八蜡廟

河南通志在東閩 乾隆知縣馬君格重建 知縣陸咨重修並換碑記

馬王廟

見署 解

土地祠

見學 校

靈泉祠

按舊志靈泉祠在朝儀街靈相祠

卽萬壽寺

西偏乾隆八年知

縣馬格以禱雨靈應，創建乾隆五十三年，知縣陸蓉重修。

膠東侯廟

河南通志在縣治西北，隅祀漢賈復、陸慶年，知縣馬格重建。知縣胡克吉重修。

馮王二將軍廟

在邑東四十里，程家集。蓋漢中興時馮異、王霸二將軍也。

朝王廟

河南通志在縣坊南，保祀漢濟令卓茂。舊志漢褒德侯卓君廟，在城北二十五里有鐵爐。

明道祠

河南通志在縣南，酒務程顥常謫居，講道於此。故後人立祠祀之，祠內有春風亭一座。嘉慶二十四年，知縣

秦伯度重修兼置地五十九畝，音交董事生員楊如旃職員鄭雲生、增生盧鎔等，經管所收籽息，除歲修祠宇外，積存添置地畝。道光十七年，知縣李仿梧清查計積存錢一百四十三千餘，當添地二十一畝，音仍交該董事等管理。並令年終將支銷盈餘具稟備案。

名宦祠

典建見學校門

按名宦崇祀，依舊志所載，宋知縣事洛陽程瑜監酒稅程



顯知縣事真定錢稔潁川朱子純河間王魏安慶李安仁  
金知縣事石首耿宣威明知縣霍邱朱銓巴陵顏頤壽邛  
州王廷簡澤州苗煥

國朝提督學院張九徵巡撫部院尹會一知縣任邱胡權海寧  
楊宮建凡十五人

鄉賢祠

典建見  
學校門

按鄉賢崇祀依舊志所載漢陽夏侯異漢破虜大將軍  
叔壽吳立信校尉馮熙宋太常寺丞孔攸明興縣知縣徐  
文旆南陽縣學教諭李猷吉

國朝工部屯田司主事吳宗孟凡七人

忠義祠

興建見學校門

按神牌所書漢陽夏侯忠勇馮異宋太常寺丞孔旼明南

陽縣教諭殉忠李猷吉舉人殉忠李得筍鴻臚寺序班蕭

湘賑饑 旌表義民扈敬孝子廩膳生員陳策凡七人

節孝祠

在縣治西街 嘉慶十四年邑紳余萬全重修有知縣賞錙碑記刊列於後

按祠內舊祀六十氏 道光十三年知縣李彷彿稟請入

祀四百三十氏又隨案請旌四氏共四百九十四氏

呂祖廟

在東關外

呂祖爲唐河中永樂人道號純陽子咸通中舉進士第授

江州德化令愛民有實政後解組歸遇鍾離老祖於長安

市遂成道其文其事俱載於呂祖全書嘉慶十四年知縣  
賞備翔建有碑列後道光五年知縣謝興曉重修有碑

重建卽孝祠碑記

知縣賞鐫撰嘉慶二十一年立石

余國誤重修 學宮及忠義祠碑記紳士等復爲余氏兄弟乞

全祠孝碑文以記其善於萬全兄弟皆稱素封而萬全尤淳謹

喜爲善暇時接見其人溫文爾雅無質淳美叩其所爲恂恂訥

訥似不能出諸口及觀其於師友之間解紛排難推讓分憂而

又不以功自居其生平之爲亦概可知矣去年春紳士等商修

學宮余氏弟兄乞專修節孝祠萬全萬德之母皆青年矢志

貞一不二余氏昆季之舉亦可謂善於彰母之節者矣其時監

工者爲萬全之母舅王振拔岳父張龍書及其友王象舒馬綏  
樂可法一切工料不惜煩費堅固華好務極善而後已余聞萬  
全之母家雖豐盈井臼常自操雖一切訛掃縱紕之事莫不躬  
自力作如貧家婦而又不恤其子之樂善好施非獨其子賢其  
母亦不愧古之賢婦人矣至儲粟石以豫恤凶荒集同好以重  
刊丹桂籍萬全之設心立行向善正未有艾余固樂九紳士之  
請而有以彰余民兄弟之善其人詳其行以記其事也

新建呂祖殿碑

知縣賞鐫撰嘉慶十四年立石

今承乏雒陽幾及十載父城雖若彈丸而一切廟宇寺觀以有  
在典祀者紳士等無不捐貲次第修建煥然一新已巳秋紳士

等復請建立 呂祖殿於東關夫 呂祖爲周河中永樂人道  
號純陽子生平喜頂華陽巾咸通中舉進士第授江州德化令  
愛民有實政後解組歸遇 鍾離老祖於長安市中成道後誓  
願渡人靈跡徧天下其文其事俱載於呂祖全書及重訂全宗  
正膾炙人口傳誦於今喜自己巳八月起至庚午六月止越十  
月而工告竣其時監工者楊朝吉王象舒楊逢源馬綱樂英魁  
等正殿三楹肖像其中配像左爲柳祖右爲黃祖南建道房五  
間爲司香火者棲息之所古茂樸實情曠雅潔升其堂者瞻仰  
聖像畏敬慈愛之心細然而生而及知 祖師之大德鴻慈雖  
窮鄉僻壤有無不周無不爲也述讓遂其巔末而爲之記



增修程明道先生祠碑記

知縣秦伯度撰嘉慶二十一年立石

明道先生宋之理學名儒也家居於洛何爲而祠於寶豐哉或曰以先生監汝州酒務故余謂不然先生自登進士第後服官中外幾三十年於上元均田畝之賦稅於鎮寧塞曹村之河決惠澤及民不可殫述及知扶溝縣去之口老幼數百攀挽號泣遺之不去彼身受其恩德者更當何如祠祀乎若僅以監酒稅而祀先生是不知先生者也且先生家有專祠迄今過伊洛之旁觀其廟堂車服禮器慨然想見其爲人又何待寶豐之都人士高其閭閻美其輪奐酒羔羊歲時祭享而後爲崇奉也哉然而寶豐之祀先生則因有說昔朱公揆見

先生於汝州踰月而歸告人曰光庭在春風中坐了一敗今考其地卽在於此是 先生之教不必擇地而施而適值監稅於汝之時宋公揆自他方來且得以坐於春風則當日應山澗水間敦詩書說禮樂躬親其教者又不知者何鼓舞於春風中也數百年來流風餘韻於今未泯從而祀之不亦宜乎余自己已通藉迄壬申春捧檄斯土旣於春風書院增加膏火以課生童復於邑之西北二十里外得謁 先生祠廟瞻拜之餘而知春風書院之名以 先生而重則學者之服膺 先生也可知余方進生童而督課之而能超然於 先生之祠哉祠之徒制局勢湫隘且歲久剝落亟宜更新因於闔邑謀莫不踴躍



則學簿龐君龍文孝廉李君金臺范君密吳君益謙茂才盧生  
以先生如梅先爲倡義集衆捐貲太學李生千紫武庠孫生鳳  
儀爲之構材太學張生鍾靈武庠陳生志典鄭生雲生爲之鳩  
工而監督之乃擴其舊址大其規模前爲頭門次爲誠敬門中  
爲春風亭制爲八角登以重檐以爲學者游息登嘯之所後爲  
踐履堂以祀 先生堂之左右爲安宅爲正路亭之兩旁爲東  
塾西爲塾以稷學者復置田百數十畝設爲義學每歲延師課  
讀及修葺之費皆取給焉經始於丁丑仲秋閏三月而落成於  
是携邑中之士坐春風之亭舉酒相賀暢然爲樂因高挑遠矚  
顧衆賓而言曰登斯亭也壯望汝顏烟波縹緲若遠若近庶幾

有隱君子乎而其南則魯易元次山顏魯公之遺蹟在也東望  
鳳嶺龍溪磅礴鬱積蒼蔚繽紛夫豈無鍾靈而毓秀者西俯五  
龍泉噴激萬狀今人思易夏侯之豐功偉烈而勵其忠貞則斯  
亭又非僅爲游息登嘯之所而窮覽山川曠懷今古尤足以橫  
胸襟而滌邪穢也若夫春秋佳日二三同好詠牧先生相與尋  
孔顏樂處則斯亭更有春風沂水之思焉今而後斯人斯士勉  
乎哉志 先生之所志學 先生之所學每徒瞻其同登其亭  
也此則余之所厚望也夫

寶豐縣志卷之七

寶豐縣知縣李彷彿纂輯

籍賦志

里與志其名曰防自周禮總保等卽周之里宰比長也保正下有壯丁巷米網今仍之太平寰宇紀云龍興縣東南二十里舊三鄉今二鄉鄉猶保也二鄉曰安樂曰永仁而永樂八鄉見於水經注其來最遠按方輿紀要縣在明編戶四十里國朝則十里到康熙治生齒日益繁衍而所以惜民力餘民財者如賦如稅如監引額胥減於前盛哉乎斯世億萬年不拔之基在斯矣

里甲

城關

總保五名

保正二名

甲長六名

寶一里

總保四名

保正五名

甲長十三名

寶二里

總保四名

保正二名

甲長十名

寶三里

總保六名

保正六名

甲長二十四名

寶四里

總保五名

保正四名

甲長二十一名

寶五里

總保四名

保正三名

甲長十二名

寶六里

總保八名

保正四名

甲長十三名

寶七里

總保七名

保正三名

甲長十六名

寶八里

總保六名

保正十四名

甲長四十八名

寶九里

總保七名

保正九名

甲長三十四名

寶十里

總保五名

保正四名

甲長十七名

以上十里共總保六十一名保正五十六名甲長二百一十四名

按陸志依馬志載總保二十四名保正三十六名村長一百六十六名甲長一千五百四十一名查現在並無村長名目而甲長數亦多寡懸殊不知何年裁減無考

戶口

按陸志依馬志載十里烟戶一萬五千四百八十七 馬志係

乾隆八年重修距陸志已相去五十餘年詎民烟戶竟一

無所增減耶似係當時並未查考所致且馬志亦僅記戶至未紀口或因丁糧已派於地糧之內無須計口故耳第民土之患耗爲上者旣不可不知况歷年民數仍須報都志爲民可鈔焉堡志已前無案可稽特或自嘉慶元年以後者

嘉慶元年

戶一萬一千六百一十八  
口五萬五百九十七

嘉慶十一年

戶一萬二千七百五十三  
口五萬六千一百三十二

嘉慶二十一年

戶三萬三千九百二十六  
口一十五萬六千八百三十七

道光六年

戶三萬二千八百七十二  
口一十六萬二千一百二十

道光十六年

戶三萬三千八百九十二  
口一十六萬一千二百零八

嘉慶元年

嘉慶十一年較元年

戶增一千一百三十五  
口增五千五百四十

嘉慶二十一年較十一年

戶增二萬一千二百有三  
口增一十萬六千一百一十

道光六年較嘉慶二十一年

戶增八十五  
口增四千二百六十

道光十六年較六年

戶增二十二  
口增一百有一

逐年載叙未免過繁茲特十年總記一次總較一次以便

觀覽計自嘉慶元年至道光十六年共四十年

戶增二萬二千二百

七十四 口增一十一萬六千一百一十

### 賦稅

丁原額入丁三萬一千四百六丁除逃亡人丁一萬八千三百

一十九丁又除乾隆三十六年奉文編審

世滋生戶口永不加賦人丁六千八百一十四丁計存征賦人  
丁六千二百七十三丁內分下上丁二十五丁每丁派銀二  
錢四分下中丁三百六十四丁每丁派銀一錢六分下下丁  
五千八百八十四丁每丁派銀八分雍正四年十二月內

題准部覆就一邑之丁糧均派於本邑地糧之內無論紳衿富

戶不分等則一律輸將計算

見陸志

地原額地七千三百六十八頃六十一畝三分一厘六毫一絲  
五忽順治十三年奉

旨  
除荒蕪無主地四千八百四十七頃二十二畝四分四厘六毫  
六絲五忽乾隆元年奉



旨 豁免水衝沙壓地二十二頃三十五畝四厘乾隆七年奉

旨 豁免水衝飛壓地八頃五十二畝四分二厘現種行糧成熟地

二千四百九十頃五十一畝四分九毫五絲內分康熙九年

至雍正十三年勸墾自首入額地一千九百八十五頃四十

三畝九分九毫五絲起成倉口成熟地五百五頃七畝五分

見陸

志

賦原額丁銀因無賦役無憑稽查計存賦人丁六千二百七十

三丁 依雍正四年定例按地糧一兩攤派丁銀五分六厘

一毫二絲一忽五微八纖二沙九塵四埃共派丁銀五百三

十四兩九錢六分

原額地銀一萬九千九十四兩二錢三分四厘又明萬歷每  
畝加增九厘銀六千六百三十一兩七錢五分二厘二頃共  
原額銀二萬六千六百二十五兩九錢八分六厘除荒蕪無  
主及兩次豁免外計現種行糧成熟地二千四百九十頃五  
十一畝四分九毫五絲每畝照依賦役則例派銀三分六厘  
一毫三絲四忽三微二纖三沙八塵七埃四漠四虛共派地  
銀八千九百九十九兩三錢四厘又補征銀四百二十四兩  
七錢九分六厘又漕耗銀米並臨德二倉耗米蘆葦棉布價  
銀一百八兩六分二厘以上共應征銀一萬六十七兩一錢

二分二厘

陸志·按現在征收丁地等項銀一萬六十七兩一錢二分一厘

額銀一百二十四兩五分三厘又

加一

正耗羨銀一千三百八兩七錢二分六厘遇閏加銀十六兩  
一錢二分七厘

附折色起運解支欸目

解布政司丁地銀八千九百三十七兩八錢七分二厘

遇閏加銀

一十五兩一錢三分八厘鄉飲銀一錢一分九厘

扣銀九兩

遇閏加銀七錢五分

夫馬小建銀八錢七分 鹽糧道

銀一百七十四兩四錢二分一厘 河道河夫銀二十四兩

九錢九分 存留支給棉布祭祀俸工等項銀九百十九兩

八錢四分七厘

遇閏加銀四十八兩一錢六分五厘

附  
耗羨解支欸目

解布政司耗羨銀一千四十八兩七錢二分六厘

閏銀全解留支

知縣公費銀一百八十兩 典史養廉銀八十兩

稅額設老稅銀一兩二錢

店房油房飯舖輸稅

盈餘老稅銀二十三兩三錢

額設活稅銀十一兩八錢八分

牛牙行納稅帖銀在外

盈餘活稅銀二十二兩四錢二分二厘

額設牙帖五張納稅銀一兩六錢

盈餘牙帖五百九十三張納稅銀四百十五兩一錢

盈餘牙帖九十有一張納稅銀六十三兩七錢

常店張仁裕城內南街張義典滄陽街張禮和城內南街共三座每座納

稅銀五兩

房地稅年定額儘征

鹽引額食背鹽

額設鹽引七百二十五票每引鹽三百四十觔

新認額引十八張

餘引商人酌量請領以上見舊志

乾隆五十七年裁商鹽課歸入地丁銀內攤征每糧銀一兩

額征銀一錢三分見陸志

嘉慶十二年復歸商

嘉慶二十五年改歸商民運銷

商人運至陝州會  
興鎮聽民自販